

張隱菴集註傷寒論

卷三
四



傷寒論卷三

望雲草廬校刊

錢塘張志聰隱菴註釋

同學高世栻士宗纂集

辨陽明少陽病脈證篇第三

問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便難是也

陽明者火燥熱之氣也天有此陽明之氣人亦有此陽明之氣經云陽明之上燥氣治之不從標本從中見太陰之濕化又云兩陽合於前故爲陽明兩火合併故爲陽明夫陰陽皆從少而太太少兩陽相合則陽明居其中設太陽陽明正陽



陽明少陽陽明之間者所以明陽明從太少而生也脾約者
太陽陽熱之氣入於太陰脾土所主之地中陽熱盛而陰濕
消亡則土頑燥而脾藏窮約矣此爲太陽陽明也陽明以燥
氣爲本而胃府水穀之氣乃陽明之正氣今燥氣在上胃家
則實此爲正陽陽明也少陽三焦之氣外通肌膚內行水道
發汗利小便則津液不能還入胃中故胃中燥上煩下實而
大便難此爲少陽陽明也陽明從太少兩陽而生故有三者
之陽明

陽明之爲病胃家實是也

重言以申明胃家實乃陽明之爲病而非陽明之正氣

問曰何緣得陽明疳答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明也

此下凡六節論陽明之氣達於肌表而外行於三陽此言太陽之氣在表外內出入而津液本於陽明水穀之所生故病在太陽或汗或下或利小便皆亡陽明水穀之津液胃中乾燥因轉屬陽明而成內實大便難也

問曰陽明病外證云何答曰身熱汗自出不惡寒反惡熱也此假外證以明陽明自受之邪身熱汗自出者腠理發泄汗出溱溱不惡寒反惡熱者陽明之氣化也

問曰病有得之一日不發熱而惡寒者何也答曰雖得之一日惡寒將自罷卽自汗出而惡熱也

此假表證以明陽明自受之邪病有得之一日不發熱而惡寒者太陽寒水之氣在表也然雖得之一日惡寒將自罷卽自汗出而惡熱是爲陽明證也

問曰惡寒何故自罷答曰陽明居中土也萬物所歸無所復傳始雖惡寒二日自止此爲陽明病也

上二節一云不惡寒一云惡寒將自罷故此設惡寒自罷之問言陽明居中土土爲萬物所歸歸則無所復傳是以始雖惡寒乃邪在表而合於太陽二日陽明主氣病歸陽明而不

惡寒也

本太陽病初得時發其汗汗先出不徹因轉屬陽明也傷寒發熱無汗嘔不能食而反汗出漑漑然者是轉屬陽明也

此言陽明有內外轉屬之不同本太陽病發汗不徹而轉屬陽明此轉屬陽明之在外也不因發汗反自汗出而轉屬陽明此轉屬陽明之在內也則知陽明之轉屬有內外表裏之

異矣

傷寒三日陽明脈大

此言陽明居中土而無所復傳也夫六氣之傳一日太陽二日陽明此二日而邪傳陽明便歸中土無所復傳故至三日

仍現脈大之陽明也。○莫氏曰：一日在表，二日在肌，三日而交於陽明，故云傷寒三日陽明脈大。

傷寒脈浮而緩，手足自溫者是爲繫在太陰。太陰者，身當發黃。若小便自利者，不能發黃。至七八日大便鞭者，爲陽明病也。

此下凡六節論陽明之氣內合太陰而入於三陰。傷寒脈浮而緩者，在外之寒邪而入於裏陰也。手足自溫者，脾爲孤藏，中央土以灌四旁也。是爲繫在太陰而不涉陽明矣。但太陰者陰濕也，身當發黃。若小便自利者，脾能行洩其水濕，故不能發黃。至七八日當太陽陽明主氣，如大便鞭者，爲病在陽明而成燥實矣。蓋太陰陽明之氣總屬中土，而太陰虛繫之。

邪亦可歸於陽明其爲萬物所歸者如此

傷寒轉繫陽明者其人漑然微汗出也

此言太陰虛繫之邪轉繫陽明火熱之氣而不歸中土故漑然微汗出也其曰繫者虛繫也如日月星辰之繫於天而天體居然不動也

陽明中風口苦咽乾腹滿微喘發熱惡寒脈浮而緊若下之則腹滿小便難也

此言陽明中風風性無定過在少陽涉於太陰太陰主開仍欲合太陽之開以外出而不可下也陽明中風風中陽明之氣也口苦咽乾病在少陽腹滿微喘病在太陰夫病在太陰



北京中医药大学图书馆版权所有

而復發熱惡寒乃太陰合太陽而主開之義也陽邪內入於太陰故脈緊外合太陽故浮而緊也是當外散其風邪若下之則太陰濕氣不舒故腹滿不愈少陽三焦不和故小便難也

陽明病若能食名中風不能食名中寒

合下三節皆論食以陽明內合太陰而脾胃爲倉廩之官也風乃陽邪主鼓動陽明之氣故能食寒乃陰邪主閉拒陽明之氣故不能食論陽明而及於食以徵胃合於脾而陽明又以胃氣爲本之意

陽明病若中寒者不能食小便不利手足濇然汗出此欲作固



瘕必大便初鞭後溏所以然者以胃中冷水穀不別故也

此言不能食名中寒也陽明病若中寒則胃中冷而不能食
水穀不別而小便不利手足澀然汗出者土氣外虛也因瘕
大瘕泄也乃寒邪內結假氣成形而爲久泄之病欲作乃將
成未成之意初鞭者感陽明之燥氣後溏者寒氣內乘也所
以不能食而小便不利者以胃中冷水穀不別故也○張氏
曰陽明病若中寒中字主平聲言陽明中見之氣虛寒故胃
中冷而水穀不別蓋陽明藉中見太陰之氣化而爲胃消磨
其水穀也

陽明病初欲食小便反不利大便自調其人骨節痛翁翁如有

熱狀奄然發狂濺然汗出而解者此水不勝穀氣與汗共併脈
緊則愈

此言能食名中風也陽明病初欲食者胃先中於風也夫風
爲陽邪小便當利大便當燥今小便反不利大便自調乃風
邪入於裏陰而裏氣虛寒其人骨節痛者裏氣虛寒也翕翕
如有熱狀者風邪入於裏陰也奄忽也忽然發熱濺然汗出
而解者陽明穀神之氣勝也所以然者以裏陰水寒之氣不
勝陽明穀神之氣故與汗共併而出脈緊則愈者喻言也言
陽明風熱之氣得陰氣相埒而可愈也○馬氏曰水不勝穀
氣乃少陰腎水不勝陽明穀氣骨節痛者少陰病也翕翕奄

然者卽翕奄沉而爲戊癸合化之意也蓋上節論太陰此節論少陰也

陽明病欲解時從申至戌上

經云曰西而陽氣衰陽明之所主也從申至戌上乃陽明主氣之時表裏之邪欲出必隨旺時而解則六氣言正而不言邪蓋可見矣

陽明病不能食攻其熱必噦所以然者胃中虛冷故也以其人本虛攻其熱必噦

合下三節首言胃府虛次言經脈虛末言皮腠虛意謂胃府虛而後經脈虛經脈虛而後皮腠虛故末結曰此以久虛故

也陽明病者病陽明胃府之氣也不能食者胃氣虛也噦呃逆也胃氣虛而復攻其熱故噦所以然者陽明以胃氣爲本以其人本虛攻其熱則胃中虛冷而必噦○高子曰遍閱諸經止有噦而無呃則噦之爲呃也確乎不易詩云鑾聲噦噦謂呃之發聲有序如車鑾聲之有節奏也凡經論之言噦者俱作呃解無疑

陽明病脈遲食難用飽飽則微煩頭眩必小便難此欲作穀瘕雖下之腹滿如故所以然者脈遲故也

此節文同要畧言陽明經脈虛寒而成穀瘕也陽明病者病陽明經脈之氣也脈遲者所生之血氣虛也經去食氣入胃

滯精於脈脈氣流經經脈虛故食難用飽而飽則微煩頭眩者氣虛於上也小便難者氣虛於下也要畧曰穀瘴之爲病寒熱不食食卽頭眩心胸不安久久發爲穀瘴故曰此欲作穀瘴病在經脈雖下之而腹滿如故所以然者以脈遲而經脈虛寒故也此所以穀氣流中而發爲瘴黃也

陽明病法多汗反無汗其身如蟲行皮中狀者此久虛故也此承上文胃府經脈而及於皮中也陽明病者病陽明皮腠之氣也本篇云陽明外證身熱汗自出故法多汗今反無汗其身如蟲行皮中狀者由於胃府經脈之虛故曰此久虛故也由是而知經脈皮腠之血氣本於胃府所生矣

陽明病反無汗而小便利二三日嘔而咳手足厥者必苦頭痛
若不咳不嘔手足不厥者頭不痛

此下凡七節言陽明秋金之氣外合於肺而行於四旁達於
上下週於內外而復歸於中土也此節言陽明之氣須行於
表裏上下擴充週遍之意陽明病反無汗者氣滯於裏而不
出於表也小便利者氣行於下而不升於上也二三日嘔而
咳者陽明之氣內合肺金病氣上逆於膈胸故嘔而咳也手
足厥者不能分布於四肢也氣不擴充必上逆而苦頭痛若
不咳不嘔氣能週遍於外內手足不厥氣能敷布於四旁故
不上逆而頭不痛○二三日嘔咳手足厥者一日陽明至三

日而未愈也

陽明病但頭眩不惡寒故能食而咳其人咽必痛若不咳者咽不痛

此言陽明經脈合肺而上出於咽也陽明病者陽明中風病也風淫經脈故但頭眩不因於寒故不惡寒陽明病能食名中風故能食內合於肺故咳夫陽明經脈從大迎下人迎循喉嚨入缺盆陽明循經合肺故其人咽必痛若不咳者不循經以合肺故咽不痛夫不曰喉痛而曰咽痛者以病在陽明而咽接胃本也○曾氏曰合上兩節皆論陽明合肺病咳故章法相同讀者可意會矣



陽明病無汗小便不利心中懊憹者身必發黃

此承上文陽明合肺之意而言陽明又運行於皮毛下輸於膀胱也陽明病者陽明濕熱病也濕熱留中不能合肺而外行於皮毛故無汗更不能從皮毛而下輸於膀胱故小便不利夫陽明之氣不行於表裏上下則內逆於心中而爲懊憹陽熱之氣留中入胃之飲不布則濕熱胷顯而身必發黃陽明病被火額上微汗出而小便不利者必發黃

此節假火以申上文之意言陽明濕熱爲病而無汗若被火薰但額上微汗出而小便仍不利者氣機不能流通出入亦必發黃也